

明倫彙編 家範典 孝行

忠貞堂 林氏 孝行 孝子 孝女 孝孫 孝孫女

孝子 孝女

孝子 孝女 孝孫 孝孫女 孝孫孫 孝孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

孝子 孝女 孝孫 孝孫女 孝孫孫 孝孫孫女 孝孫孫孫 孝孫孫孫女 孝孫孫孫孫 孝孫孫孫孫女

弘簡錄卷二百十

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼漢人

康默記

孫延壽

韓延徽

子德樞孫紹勳紹芳曾孫資讓

趙思溫

韓知古

子匡嗣孫德源德凝德讓德威曾孫孫魯制心

趙德鈞

子延壽

高模翰

張礪

高勳

室昉

女里

郭襲

張儉

邢抱朴

母陳氏弟抱質

馬得臣

王繼忠

陳昭衮

劉景

子慎行附武白孫六符等

杜防

大康父

高正

楊績

姚景行

楊哲

楊估

趙徽

附王觀

李儼

父仲禧

劉伸

牛溫舒

楊遵勗

王棠

馬人望

康默記本名照少爲薊州衙校太祖侵薊得之愛其材隸麾下

得與佐命功臣遇一切蕃漢事相干涉屬默記折衷之時諸部  
新附文法未備令推析律意論決重輕悉合上意不差毫釐惟  
禁網者多自謂不究人人安之俄拜左尙書神冊三年始建皇  
都命董工役人咸勸趨凡百日而訖事五年爲皇都夸萬畢會  
出師居庸關命將漢軍進逼長蘆水寨俘馘甚衆親征渤海與  
韓知古將漢軍遇大譴謖復叛分薄東門率驍勇先登拔後又  
與韓延徽下長嶺府太祖崩復董山陵功畢而卒 孫延壽字  
亂昌少倜儻自分爲將效節邊陲景宗特授千牛衛大將軍宋  
人攻南京諸將旣成列尙獨奮擊陣前敵遂大潰以功遙授保  
大軍節度使乾寧三年卒

韓延徽字藏明幽州安次人父夢殷累官薊備順三州刺史延  
徽少英敏燕帥劉仁恭奇之名爲幽都府文學平州錄事叅軍

同馮道祇候院授幽州觀察度支使後遣來聘不拜太祖怒以  
述律后諫因召與語合意立命叅軍事策居多攻党項室韋  
服諸部落請樹城郭分市里以居漢人之降者又爲定配偶教  
墾藝以生養之以故逃亡者少居久之復懷故鄉賦詩見意太  
祖夢白鶴自帳中出遂亡歸唐已而與軍將王緘有隙懼及難  
返幽州省親匿故人王德明舍問其所適吾將復走契丹彼失  
我如喪左右手其相見必喜祖適夜夢白鶴復入帳中旣至問  
故頓首謝曰忘親非孝棄君非忠臣身雖去心在陛下是以復  
來上大悅賜名曰匡方言復來卽命守政事令兼崇文館大學士  
中外政務悉令叅決時庶事草創凡營都邑建宮殿正君臣定  
名分法度井井皆其力也論居佐命功臣之一從征大謹謨有  
功拜左僕射師還遇太祖崩哀動左右太宗封魯國公仍爲政

事令使晉還改南京三司使世宗遷南府宰相建政事省張設  
理具稱盡力吏天祿三年六月河東使請行冊禮帝召問從其  
奏定制一遵太宗冊晉帝禮應曆中延徽致仕九年卒年七十  
八上聞震悼贈尚書令葬幽州之魯郭仍世爲崇文令公子  
德樞年甫十五太宗一見語曰是兒卿家之福朕國之寶真英  
物也未冠守左羽林大將軍遷特進太尉鎮東平詔許每歲東  
歸省親時漢人降與轉徙者多寓東平丁歲災饑饉疾癘撫字  
有方尋授遼興軍節度使下車整紛剔蠹恩煦信孚勸農桑興  
教化期月民獲蘇息入爲南院宣徽使遙授天平軍節度平灤  
營三州觀察處置等使門下平章事又加開府儀同三司行侍  
中封趙國公保寧元年卒孫紹勲仕至東京戶部使大延琳  
叛被執不屈以鋸解之憤罵至死紹芳太平三年爲樞密直

學士重熙間叅知政事七年加兼侍中十二年議征李元昊力諫不聽出爲廣德軍節度使聞敗嘔血卒 曾孫資讓大安八年叅知政事爲中京留守壽隆初知樞密院事拜中書侍郎卒章事坐事出爲崇義軍節度使語在道宗記改鎮遼興卒

趙思溫字文美平州盧龍人少果銳膂力兼人隸燕帥劉仁恭幕令統偏師拒唐莊宗流矢中目裂裳漬血戰猶不已爲唐將周德威所擒莊宗壯而釋之日見信用與梁戰於莘縣以驍勇聞授平州刺史兼平營薊三州都指揮使神冊二年太祖遣將經略燕地思溫來降會伐渤海擢爲漢軍都團練使力戰拔扶餘城身被數創親爲調藥太宗卽位以功授檢校太保保靜軍節度使天顯十一年唐兵攻太原石敬瑭求救命自嵐憲間出兵援之敵退罷兵改南京留守盧龍軍節度管內觀察處置等

使開府儀同三司兼侍中賜號協謀靜亂翊聖功臣尋轉臨海軍節度使會同初從耶律牒蠟使晉行冊禮還加檢校太師二年有星隕于庭卒上遣使賻祭贈太師魏國公子延昭延靖官至使相

韓知古薊州玉田人善謀有識量太祖平薊時方六歲爲淳欽后兄欲穩所得從後來嬪未得省見怏怏不得志逃于庸保以供資用會其子匡嗣以善醫直長樂宮得親近皇后視之猶子因間言之太祖召見與語大以爲賢命叅謀議爲佐命功臣之一神冊初遙授彰武軍節度使久之信任益篤總知漢兒司事兼主諸國禮儀時方草創儀法疏濶因援據故典叅酌國俗與漢儀雜就之使國人易知而行頃之拜左僕射征渤海有功遷中書令天顯中卒 匡嗣應曆十年爲太祖廟詳穩宋王喜隱

謀叛辭引匡嗣上置不問景宗在藩善之卽位拜上京留守封  
燕王燕改南京用爲留守保寧末攝樞密使沙與休哥侵宋軍  
于滿城匡嗣欲納宋降休哥止之不聽俄而宋軍鼓譟來薄我  
衆感踐塵起漲天匡嗣倉卒不知所爲諸將無敢當其鋒欲奔  
又遇伏兵扼要路乃棄旗鼓而遁其衆走易州山帝怒數以五  
罪促令誅之皇后引諸內戚徐爲開解上重違其請良久威霽  
杖而免之旣乃遙授晉昌軍節度使乾亨三年三月辛酉復任  
西南面招討使統和初匡嗣卒睿智皇后遣使臨弔賜贈甚厚  
九年五月己未以私城爲全州追贈尙書令 五子德源性愚  
而貪早侍景宗邸及卽位列近侍統和問官崇義興國二軍節  
度使加檢校太師以賄名德讓貽書諫之終不悛後加同政事  
門下平章事遙攝保寧軍節度使乾亨初卒 德疑謙遜廉謹

保寧中遷護軍司徒開泰中累遷護衛太保都宮使彰武軍節度使統和三年又轉崇義軍移鎮廣德軍有善政秩滿部民請留從之改西南面招討使討平党項隆益答叛遷大同軍節度使卒于官子郭三大安中知惕隱事壽隆四年爲南京統軍使終天德軍節度使孫高家奴南面林牙清寧中爲東北路女直詳穩遷惕隱終南院宣徽使高十清寧中爲南府宰相遷南京統軍使終遼興軍節度使德讓爲人重厚有智略明治體喜建功立事初侍景宗以謹飭聞至東頭承奉宮樞密院通事轉上京皇城使遙授彰德軍節度使代父上京留守有聲尋復代守南京時人榮之宋兵侵燕奚底與討古敗歸人懷二心日夜登城守禦援軍至圍解及戰高梁河宋兵敗走復邀擊破之以功拜遼興軍節度使徵爲南院樞密使景宗疾大漸與耶律斜

軫俱受顧命德讓總宿衛事聖宗立太后稱制益寵任之統和  
元年加開府儀同三司兼政事令四年從太后出師敗宋將曹  
彬米信加守司空封楚國公師還與室昉共執國政上言山西  
諸州數被兵加以歲饑宜輕稅歛蠲今歲租以來流民從之十  
一月庚午加守司徒六年太后觀擊鞠胡里室突德讓墜馬立  
命斬之會率師伐宋圍沙堆嚴陣以待敵乘夜來襲敗走之封  
楚王九年從其議燕人挾姦苟免賦役貴族因爲褻褻遣北院  
宣徽使趙智戒諭之十一年母憂起復明年室昉致政代爲北  
府宰相仍兼樞密使監脩國史賜號興化功臣十二年六月奏  
三京諸鞠獄官吏多因請託曲加寬貸或妄行榜掠乞行禁止  
詔可表請任賢去邪太后優加賜資論以進賢輔政真大臣之  
職服闋加守太保兼政事令仍代斜軫兼北院樞密使久之拜

大丞相進王齊總二樞府事奏南京平州歲不登免百姓農器  
錢及請平諸郡商賈價並從之十九年賜名德昌二十二年南  
征及河與宋成而還徙王晉賜姓耶律出宮籍隸橫帳季父房  
二十八年復賜名隆運位在親王上賜田宅及陪葬地從伐高  
麗還得疾帝后臨視賜醫藥薨年七十一贈尚書令諡文忠官  
給葬具建廟乾陵側無子清寧三年以魏王貼不子耶魯爲嗣  
天祚立以皇子敖盧斡繼之德威性剛介善馳射保寧初歷  
上京皇城使儒州防禦改北院宣徽使乾亨初于父喪起復權  
西南面招討使統和初党項十五部寇邊戰却之賜以大漢劔  
許便宜行事不用命者得專殺時党項酋長執夸离子隈引等  
乞內附詔撫納之七月獻破党項俘并夸离董子大護賞勞有  
功將士八月壬子表請伐党項之復叛者詔許之領突呂不送

刺二紂軍二年還襲河東以討平稍古葛功獻俘于朝真授招  
討使賜詔褒美請納夏州李繼遷內附諸夸皆從璽書褒獎統  
和四年宋軍復圍蔚州斜軫擊破之詔以兵授德威并耶律瑤  
昇及宋兵至平州德威瑤昇不盡追殺下詔詰責敗宋將楊繼  
業加開府儀同三司兼政事令門下平章事六年命討河湟諸  
蕃違命者城邑多陷奪其兵柄繼遷受宋賂潛懷二心奉詔率  
兵往諭至靈州俘掠而還十五年河西党項叛復詔討之奏捷  
于朝卒年五十五贈侍中子雱金終彰國軍節度使二孫謝十  
彰國軍節度使終惕隱 滌魯字遵寧幼養宮中授小將軍重  
熙初歷北院宣徽使右林牙副點檢拜惕隱改西北路招討使  
封漆水郡王請減軍籍三千二百八十人後以私取回鶻使者  
獺毛裘及阻卜貢物決杖免官俄起爲北院宣徽使十九年改

烏古敵烈部都詳穩尋爲東北路詳穩封混同郡王清寧初徙王鄧拜南府宰相以年老乞骸更王漢大康中薨年八十生平神情秀徹聖宗子視之興宗待以兄禮雖貴愈謙初爲都點檢扈從獵黑嶺獲熊上因樂飲謂滌魯曰汝有求乎對曰臣富貴踰分不敢他望惟臣叔先朝優遇身歿之後不肖子坐籍沒諸孫中得赦一人以主四時薦享臣願畢矣詔免籍復其產子燕五官至南京步軍都指揮使德崇善醫視人形色輒決其病累官至武定軍節度使其子制心小字可汗奴善調鷹隼統和中爲歸化州刺史開泰中拜上京留守進漢人行宮都部署至北院樞密使封漆水郡王以皇后外弟恩遇日隆嘗奏樞副蕭合卓用事寡識度無行檢興宗默然自是內宴歡洽輒避之皇后不悅曰汝不樂耶制心對曰寵貴鮮能長保以是爲憂耳太

平中歷中京南京留守惕隱徙王燕遷南院大王或勸制心奉  
佛對曰吾不知佛法惟心無私則近之矣一日沐浴更衣而卧  
家人聞絲竹之聲怪而入視則已逝矣年五十三贈政事令追  
封陳王守上京時酒禁方嚴有捕獲私醢者一飲而盡笑而不  
語卒之日部民若哀父母

趙德鈞幽州人爲劉守光軍校至裨將莊宗伐燕得之賜姓名  
李紹斌以爲盧龍軍節度使封北平郡王鎮幽州十餘年距州  
北七百里榆關東臨海北有兔耳覆舟山皆斗絕金海東北  
有狹路僅通一車有旁地可耕種唐時置東西狹石淥疇米磚  
長楊黃花紫蒙白狼等戍以控扼契丹於此戍兵常自耕食惟  
衣絮歲給幽州久之皆有田宅養子孫以堅守爲己利自唐末  
割據戍兵廢契丹因得出陷平營而幽薊之人歲苦寇鈔自涿

至幽州百里人迹斷絕轉餉常以兵護送契丹多伏兵於鹽溝以擊奪之德鈞乃於鹽溝置良鄉縣幽州東五十里皆築城戍兵及破赫邈等又於其東置三河縣由是幽薊之人始得耕牧而輸餉可通會石敬瑭反請以鎮兵討賊廢帝察其有異志使白飛狐出擊其後而德鈞南出吳兒會延壽於西唐因以兵屬之拜爲諸道行營都統延壽本姓劉恒山人父祁爲僭令劉守文陷僭併獲其母种氏養以爲子少美容貌好書史明宗居潛妻以女卽位封女興平公主延壽爲駙馬甚見親信尋拜樞密使以避從榮權求補外出爲宣武軍節度使清泰初封魯國公俄鎮許州征太原爲南面招討使德鈞懼轉求鎮州廢帝怒曰汝父子握彊兵求大鎮苟能敗契丹破太原雖代予亦可若旣寇要君但恐犬兔俱斃因遣使者趣令進軍德鈞陰遣人聘延

求立已爲帝太宗對使者指穹廬前巨石曰吾已許石郎石爛  
方可改也會張敬達軍敗命其父子往救聞晉安已破走團柅  
峪太宗追及俱降歸見太后問汝父子何無恥自求爲天子慙  
不能對悉籍田宅以獻問今安在言在幽州后笑曰今已屬我  
何獻爲明年德鈞卒拜延壽幽州節度使封燕王改爲南京復  
遷留守總山南事天顯末妻尙在晉詔取以歸益自激昂會同  
初帝幸其第加政事令晉人背盟帝親征命爲先鋒下貝州嘗  
摧堅破陣以身先之轉魏博等州節度使加封魏王復敗晉軍  
于南樂獲其將賽乙羽軍元城晉遣李守貞高行周率兵來逆  
破之至頓丘遇大霖雨帝欲班師諫曰晉軍屯河濱不敢出戰  
若徑入澶州奪其橋梁敵不足平上然之適晉軍先歸澶州延  
壽將輕兵逆戰上親督騎士突其陣敵遂大潰師還仍留徇貝

冀深三州八年再伐晉晉主遣其族人趙行實以書來招時晉人堅壁不出給以我陷敵久寧忘父母之邦若以軍逆我卽歸信以爲然遣杜重威率兵迎之至滹沱河延壽據中渡橋與晉軍力戰手殺其將王靖太宗潛由他渡以濟留延壽與耶律朔古據橋兩軍相拒敵不能奪屢敗之重威掃衆而降上喜賜延壽龍鳳袍許滅晉後以中原帝延壽且以所得漢兵與爾宜親往撫慰延壽至營重威守貞迎謁馬首太宗入汴御廣政殿視朝有司給延壽貂蟬冠不肯服別爲燕王冠以自表異因李崧達意求爲皇太子上曰吾於魏王雖割肌肉亦不惜但皇太子須天子之子得爲魏王豈得爲也進中京留守大丞相軍還至臨洛上見井邑荒殘顧晉人曰致中國若此皆延壽爲罪蓋及世宗卽位以翊戴功再任樞密使天祿二年薨